

MOTZEAN

OSASUNA

Las Palmaseko kirol zuzendaria kargutik kendu dute, eta Paqui pozez txoratzen agertu zen

Bost denboraldi Las Palmasen egon ostean, Paquik —Sarasua eta Schurrerek bezalaxe— irteera zaila izan zuen uda honetan, azkenean Iruñean amaitzeko. Manolo Torres kirol zuzendaria kargutik bota dutela jakin zuenean, bi besoak altxatuta ospatu zuen atzo Paquik berria Taxoaren: «Txikituta utzi du Las Palmas, kabroi itzela da Torres, eta nire biziko egun zoriontsuenetakoa da gaur», esan zuen Paquik.

REALA

Gaby Schurrer beste urte batez ariko da Realean

Gaby Schurrerek beste denboraldi bat gutxienez egingo du Realean. Talde txuri-urdinak atzo denboraldi honen bukaeran amaitzen zitzaion kontratua beste urtebetez luzatu zion. Ondorioz, kontratu berriaren arabera, klubak eta jokalaria 2004. urteko ekainaren 30 ean amaituko dute elkarrekin duten lortura. Atzelari argentinarrek abuztuaren 32 urte egingo ditu, eta orain artean jokatu zitezkeen neurketa guztiak jokatu ditu Realarekin.



ANDONI CANELLADA / ARGAZKI PRESS

Gaby Schurrer, partida batean.

ALAVES

Dan Eggen ez fitxatzea erabaki du Glasgow Rangersek

Glasgow Rangersekin probatzen aritu da azken egunotan Dan Eggen norvegiarra, baina atzelaria ez fitxatzea erabaki dute talde horretako arduradunek. Eggenek adiskidantzazko bi partida jokatu ditu eskoziarrekin, eta, Alex McLeish entrenatzailearen hitzetan, «maila ona» eman du jokalaria. Ezberdintasun ekonomikoa izan da ez fitxatzeko arrazoia, Rangerseko entrenatzailearen arabera: «Alavesek dirua nahi zuen, eta guk ez dugu Eggen aukeratu».

ATHLETIC

Javi Gonzalez: «Ligako taldeen artean joko onenetakoa egiten ari gara»

H. G. | BILBO

Vila-realaren eta Deportivoen kontra punturik lortu ez arren, Athleticen jokalariai baikor dira. Neurketa biak irabaztea merezi izan dutela uste dute, eta bide beretik jardunez gero emaitzak ailegatu direla ez dute zalantzarik, «denboraldiko sasoirik goxoenean gaude. Fisiko eta moral aldeetik indartsu gaude oso», adierazi zuen Javi Gonzalezek.

Orain arte irregularitasuna izan da Athleticen gaitzetako bat Ligan. Era guztietako emaitzak lortu ditu, baina azkenengo hilean maila ona erakutsi du Heynckesen taldeak, eta berandu baino lehen taldeak gora egingo duela iritzi dio bilbotarrak, «maila honetan jarraituz gero, goian amaituko dugu, zalantzarik barik».

Real Madril ez da garaiezina

Real Madril bisitak ez du Athletic kikitzen. Goi mailako taldea da, baina garaipena eskuratzeko aukera ikusten dute jokalariek, «Real Madril munduko talderik onena da. Raul jokalaririk onena da eta Roberto Carlosekin batera Urrezko Baloia irabaztea merezi du. Bernabeun garaiezina dirudi, baina etxetik kanpo badu zer hobetu», esan zuen Javi Gonzalezek; «hala ere, guk baditugu gure baliabideak eta zaleen laguntzarekin aurrera atera dezakegu partida», gaineratu zuen Zorrotzakoak.

REALA. Karpinek ezker belauna bihurtu zuen arratsaldean eta Madril en jokatzeko zalantza da

Xabi Alonsok larunbatean jokatzeko prest egon nahi du

Atzo goizean eta arratsaldean normal entrenatu zen taldekideekin batera

Jon Balenziaga | DONOSTIA

Xabi Alonsok atzo ekin zion azkeneko osatze prozesuari. Taldekideekin batera entrenatu zen, eta bihurtu zuen eskuineko orkatilan ondorengo egunetan minik sentitzen ez badu, erdilari tolosarra larunbat honetan Atletico Madril en aurka (21:30, ETB) jokatzeko prest egongo da. Denoueixek, honela, min hartuta zuen jokalaria berrera berreskuratu du. Kovacevic, Nihat eta Westerveldek ere badituzte arazo txiki batzuk, baina hirurak osatuko dira, Calderonen jokatzeko. Kovacevicek sinusitisa du, Nihat tek ezkerreko orkatilan bihurtu txiki bat eta Westerveldek, berriz, lunbalgia. Baina atzo arratsaldeko lan saioan Karpinek ezker belaunean min hartu zuen, eta, txikikeria zirudien arren, ez dago garbi larunbaterako prest izango den.

Karpinekin batera, zalantza nagusia Xabi Alonso izango da. Erdilari txuri-urdinak larunbatean jokatu nahi du, baina era berean ez du bere burua estutu nahi. «Nahi dut, baina oraindik goizegi da jakiteko. Aste honetan ikusiko dut jokatzeko moduan nagoen edo ez», adierazi zuen atzo. Garbi duena zera da: Calderonen behar bezala jokatzeko ez badago, ez duela bere burua arriskatu. «Poliki joatea nahiago dut, pixkanaka. Or-

XABI ALONSO

Realeko jokalaria

«Nahi dut, baina oraindik goizegi da jakiteko. Aste honetan ikusiko dut jokatzeko moduan nagoen edo ez»

katila ondo eduki arte hobe da ez jokatzeko». Euskal Herriko selekzioarekin ari zela, Gabonetan bihurtu zuen Xabi Alonsok orkatila. Orduetik atzo arteko osatze lana luzea izan da jokalariaentzat. «Futbolaren beste alde da, ikusten ez dena —zioen atzo—. Gogorra da, goiz eta arratsalde nire kasa aritu behar izan dudalako. Politena, ordea, orain dator, taldekideekin hasi naizelako berriz».

Hiru partida bere jokorik gabe

Xabi Alonsoren faltan, hiru partida jokatu ditu Realak, eta bi berdindu eta bat irabazi du. Malagaren aurka Aranburu eta Tayfunek jokatu zuten euskarri postuan, eta Valentzia eta Celtaren aurka, Jauregi eta Borisek. Alonsok ez du uste taldeak bere falta sumatu duenik, ez eta bera egon ez denetan Realak jokatzeko modua aldatu duenik ere. «Ongi ikusi dut. Beldur genion urtarrilari, baina emaitza onak ari gara biltzen».



IMANOL OTEGI / ARGAZKI PRESS

Gari Uranga eta Xabi Alonso, aurreko entrenamendu batean.



SAN MAMES FUTBOL ZELAIA

Domeka, urtarrilaren 26a, 19.00etan

Liga Txapelketako, 1. Maila

ATHLETIC CLUB - REAL MADRID**KLUBAREN EGUN ERDIA****TXARTEL SALMENTA****BAZKIDEAK ETA URTEKO ABONATUAK:**

Orain arte, hainbat arrazoi direla medio, sarrera jaso ezin izan duten Bazkide eta Abonatuak gaurdanik egin dezakete, Bazkide eta Abonatuentzat soilik ipiniko den leihatilan, baina ezin izango diegu lerroa eta zenbakia bermatu, baina saiatuko litzateke egun duten jarlekuaren gertu izatea.

SAN MAMES ZELAIAKO TXARTELDEGIAK

10:30etatik 13:30etara eta 17:30etatik 20:00etara.

PUBLIKOA

Gaur eguaztenetik, eguna, barikua 10:30etatik 13:30etara eta 17:30etatik 20:00etara.

Domeka


10:30etatik 13:30etara eta 17:00etatik aurrera.

Athletic Club-Real Madril partidarako sarrerak BBKren orotarako kutxazainetan eskuratu ahaliko dira.

Finantzia txartela duten erabiltzaile guztiek baliatu ahaliko dute, urtarrilaren 22tik aurrera, eguneko 24 orduetan. Zerbitzu hau doakoa da BBK-ko finantzia txartela dutentzat.



Audi Auto Premium



Coche oficial del Athletic Club



Audi Auto Premium